

Na osnovu člana 62. Zakona o državnoj službi u institucijama Bosne i Hercegovine („Službeni glasnik BiH“, br. 19/02, 35/03, 4/04, 17/04, 26/04, 37/04, 48/05 i 2/06), čl. 8. i 9. Zakona o slobodi pristupa informacijama u Bosni i Hercegovini („Službeni glasnik BiH“, broj 28/00) i čl. 1, 2. tačka a), 5. stav 1. tač. c) i e), 13 i 14. Zakona o zaštiti ličnih podataka („Službeni glasnik BiH“, broj 32/01), Agencija za državnu službu, donosi

ODLUKU

o utvrđivanju izuzetka od objavljivanja i određivanju tajnosti ličnih podataka u određenim fazama provođenja javnog konkursa

I

Lični podaci kandidata prijavljenih na javne konkurse, kao i lični podaci članova komisija za izbor, ovom odlukom se u skladu sa zakonom proglašavaju zaštićenim podacima.

Za podatke iz stava 1. ove tačke, utvrđuje se izuzetak od svake vrste objavljivanja.

Odredbe st. 1. i 2. ove tačke ne odnose se na: ime i prezime kandidata ili člana komisije, radno mjesto na koji se kandidat prijavio, kao i eventualni neophodni kontakt za komunikaciju.

II

Pored izuzetka utvrđenog u tački I, proglašavaju se zaštićenim i utvrđuje se izuzetak od objavljivanja još i podataka iz stava 3. tačke I, koji se odnose na kandidate, počev od prijave kandidata pa sve do momenta pozivanja na neki od ispita koji su propisani Zakonom o državnoj službi u institucijama Bosne i Hercegovine i njegovim podzakonskim aktima.

Podaci iz tačke I stava 3. postaju javni kada se utvrdi lista kandidata i odluči se o pozivanju na neki od ispita u skladu sa stavom 1. ove tačke.

III

Agencija za državnu službu odbiće zahtjev trećih lica, koji se poziva na Zakon o slobodi pristupa informacijama u Bosni i Hercegovini, a kojim za zahtjevaju podaci na koje se odnose odredbe ove odluke.

Odredbe ove odluke ni na koji način ne utiču na pristup svojim ličnim informacijama, odnosno podacima.

IV

Ova odluka stupa na snagu danom donošenja.

Broj: 03-02-209/06
30. marta 2006. godine
Sarajevo

DIREKTOR
Jakob Finci, s. r.